

Fwen Fuengzre Binghraq Sinhgvanh Binghdoeg

Dwk Hingz Binghraq, Gvaq Ndwenngoenz Anhningz

Lij Genhlwnz Vwnh Siujbei / 李坚伦 温小贝

Sai: Sinhgvanh feiyenz bingh Haih vunz mingh Bingh neix aeu fangzgung Gaenjca mbouj cuengqsoeng Fuengz laeuhdoengh Mbouj hawj miz loeng ca	Sai: Caezgya caemh aensim Rap cwzyin Ginzung cungj dingqgangj Cienz minz caez danhdang Hoh aenndang Gengangh bouxboux riu	Sai: Dangj cunghyangh roengzlingh Raeuz aeu dingq Youq ranz bingh mbouj cienz Seuqset cei q ancienz Duenh bingyenz Okrog daep goujcau	Sai: Aenmingh bengz gvaq gim Gangj gohyoz Mbouj saenq riuz cienz riuz Gwnzlaj sim it diuz Mbouj doxiu Gag youq ranz gvaq ngoenz	Caezgya daeuj bangcoengh Vunz baenzgyoengq Gaej lau soengq yihyen
Mbwk: Sinhgvanh feiyenz daeuj Fatbingh le Cingj gaej aeu vuenglueh Gwnzlaj caez senhconz Hoh gyahyenz Gaej gag lueh aensim	Mbwk: Caeuq binghdoeg doxbuek Liz uekcuek Veiswng h gaej aeu lumz Seizseiz aen uk singj Geiq goeksim Sawjmingh vih beksingq	Mbwk: Vunzlai mbouj ndaej bae Mbouj dingqgangj Ndangdaej deng cienzlah Vunzlai miz yungyiempj Aen gainen Aeu seizseiz mbouj lumz	Mbwk: Dangj cunghyangh yinghmingz Gezcwz ndei Ceih bingh neix mienx cienz	Sai: Sinhgvanh feiyenz bingh Caen haih mingh Raeuzdoi h aeu dingqgangj Dangj cae uq raeuz cwngfuj Caez fuengzceih Dwk hingz aen bingh neix



Caezsim Hoenx Hingz Sinhgvanh Binghdoeg

Loz Ginhhungz / 罗金宏

Sinhgvanh Binghdoeg nyaux gwnzbiengz, Cienzlah haenqrad simliengz caez; Canghyw husw ganj gvaqbae, Bouxbingh gaej caiq gag laebluenh.	Vunzraeuz lwgminz aeu dingqgangj, Sinhgvanh binghdoeg yak raixcaix; Youq ranz hix aeu lienh ndang lai, Ndae jgeiq hai cueng gaenx swiq fwngz.
Siusik cienz hawj Siz Ginbingz, Coit haihoih dingh gezcwz; Canghyw doxdaengq aeu haeuj rwz, Goujcau ranzranz aeu bwh miz.	Vunzraeuz lwgminz aeu dingqgangj, Sinhgvanh binghdoeg yak raixcaix; Fatndat baenz ae ndangnyieg vaiq, Baenz gvai doq bae yihyen yawj.
Vunzraeuz lwgminz aeu dingqgangj, Mbouj okrog langh caen youq ranz; Seizseiz gizgiz dwg cancangz, Ban bingh gvaqbae mbouj gangj riu.	Vunzraeuz lwgminz aeu dingqgangj, Sinhgvanh binghdoeg yak raixcaix; Fat bingh cam maz cungj gyaudaih, Caih mwngz bae daengz gizlawz gvaq.
Vunzraeuz lwgminz aeu dingqgangj, Sinhgvanh binghdoeg yak raixcaix; Youq ranz yietnaiq gaej ok byaij, Baengzyoux maij comz mbouj ndaej bae.	Vunzraeuz lwgminz aeu dingqgangj, Fap fuengz bauj ndang ndawsim geiq; Maqmuengh seizcin daeuj daengz seiz, Bouxboux ndaej riu yiengj gwnzmbwn.

Roengzsim Re Binghdoeg

Guj Gyah / 古佳

Bineix bi duznou, Ndwencieng youq ranz gvaq, Seizneix miz binghlah, Daihgya aeu haeujsim.	Bingh sinhgvanh feiyenz, Cienz hawj vunz caen vaiq, Guhdoi h gwn caeuzngaiz, Vunzlai aiq ndaej bingh.
Daj Vujhan doxdaug, Aeu bauq hawj baihgwnz, Fuengzre guh ndaej swnh, Vunzlai mbouj deng nanh.	Gaej lueh youz lueh liuh, Ciuq baihgwnz cijsi, Gwn imq yawj densi, Vih Vujhan dem rengz.
Ndang ndaej bingh sinhgvanh, Aeu vaiq dangq gekliz, Seizneix baengh goghi, Miz bingh mbouj youheiq.	Gak boux youq ndawranz, Dangq hai cueng doeng rumz, Baedauq aeu swiq fwngz, Mwngz caengh noix ndaej bingh.
Ndang ndaej bingh sinhgvanh, Dwg gwn dang duzdoengh, Duz neix caen rox loengh, Loeng gwn couh haih vunz.	Okrog aeu cinghsingj, It dingh daiq goujcau, Daengq boux iq boux laux, Daiq goujcau re bingh.
Sinhgvanh bingh daiq doeg, Aeu dai goek fuengzre, Duzdoengh mbouj miz nyeq(noh), Gwn de rox ndaej bingh.	Mwngz youq dieg gunghgung, Doxnaeuz gyoengq vunzlai, Gaej lueh ae lueh haiz, Myaiz mbouj ndaej lueh biq.
Danghnaeuz caen ndaej bingh, Aeu dingq canghyw naeuz, Gek bae ranzbingh youq, Mbouj hawj lah vunzlai.	Seizneix bingh caengz gvaq, Daihgya gaej cuengqsoeng, Bouxboux siengj doxdaengz, Roengzsim re binghdoeg.

Sawcuenhrael Lwgnyez

Gij Golwgnyez Henz Dahhoengz

Lanz Haijyangz Moz Beibei / 蓝海洋 莫蓓蓓

“Neix——Lwgnyez sou gaej rox ndaej daiq lai.” Daiq mbouj nyienh lwnh hawj gou, de iet fwngz dai gwnz daizcaet dawz doengzien, yut ok cei jdwkfeiz ndenq hawj gou: “Bae bang daiq dwk feiz daeuj.”

Gou coux gvaq cei jdwkfeiz, byaij haeuj ranzcauq, maeuq youq baihnaj bak cauq, dawz faggimz bued gij daeuh ndaw cauq gonq, menhmenh nep ok gaiq danq soiq coemh ndaej nding’ yanyan, caiq iet cei jdwkfeiz bae dwk, doeklaeng buet okdaej ndenq hawj daiq.

Daiq ngaemgyaeuj cit ien, gou youh daengx mbouj ndaej lo, cienq ndang couh yaek byaijdeuz.

“Bae gyawz?”

“Bae suenbyaek ra meh gou.”

Gou swnhbak dap.

“Gou siengj——” Daiq dawz ok gij dungx doengzien, boq gij daeuh ien bae, ngeixloekloek lumj miz saeh naek dimz youq ndawsim.

“Maz?” Gou dingz din baengq gyaeuj muengh coh daiq.

“Mwngz gvaqdaej.”

Gou byaij daengz dangqnaj dax-daiq, song lwgfwnz fwngzgvaz de mbouj dingz nap cei jdwkfeiz, caemh-caiq loq nyengq ndang, gig hozraez doi q gou gangj:

“Ahbyauh, raeuz wnggai soengq di doxgaiq hawj Lungz Gveiz.”

“Vihmaz?” Gou mbouj rox, daiq haxbaenh lij naeuz de dwg vunzrwix, heuh gou liz de gyae di, baenzlawz sawqmwh youh yaek soengq doxgaiq hawj de, neix mbouj dwg gonqlaeng

doxfanj ha?

“Gou siengj, gou siengj——” Daiq mbwtmbwt mbwjmbwj gangj: “Seizneix raeuz doi q de ndei di, daengzcog, daengzcog …… saek-laeuq……”

“Ndei, ndei!” Gou gig lingz, sikhaek rox gij eiqsei daxdaiq, gyaeuj iq bibi song baez, siengj daengz haxbaenh youq ndaw ranzcauq yawj-raen gwnz cauq miz gaiq gau he: “Daiq, couh soengq gaiq gau he hawj de gwn ba.”

(caengz sat)